

宋詩紀事補遺

宋詩紀事補遺卷之八十一

歸安陸心源伯剛父輯

李智遠

智遠華亭人號谷隱野人居涪頤寺竟日默坐
若槁木然元兵至眾皆遁逃智遠若無聞兵擒
之不驚縱之亦不喜事定月餘忽沐浴冠裳歛
身危坐手書一詩而逝

今朝

四十三年處世中夢中成夢又成空今朝撒手還歸

去木馬頻嘶物外風

松風
餘韻

史伯強

號虎囊宋季人

送歙硯與裴唐卿

平生足跡遍九州知子筆端回万牛歙硯故持贈夜
光非暗投茲實舊坑子坑尾遠勝洮州綠鴨頭清淑
之德隱於石珉中玉表非其儔慘淡風漪生慈龍雲
氣浮故人初贈我千金未爲酌久磨土灰實硯耻况
拙辭章爲硯羞奇寶豈可窮士收定爲神奪鬼所偷
物得其託復何求所以櫝而致賤子不敢留摛藻可
以麗春華學書亦足森銀鉤百氏之學資芟修六經

之文資校讐雖然吾不願子以之屬文如曹劉吾不
願子以之奏賦如枚鄒願子提攜與之登瀛洲獻可
替否近冕旒力陳治安活國謀以寬吾君宵旰憂江
網

蔣粹翁

宋末太學生

滿月山龍見

千載聖人閩海出喜看龍馬亦騰驤首懸魚目星光
燦脊散虎文金線長道統再傳天有意素王重見世
應康惜哉靈物山中失漠漠烟林使我傷

全閩詩話九蓬山其最高峯慈翠雄峙者
龍馬峯也宋末太學生蔣粹翁先世家此
山之下舍側有龍潭所養牝馬與龍嬖生
駒焉龍首馬身狀如河圖父老語之曰此
瑞物也昔仲尼筆削六經而麒麟出今晦
翁表章四書而龍馬生蓋其應乎粹翁先
世聞之養馬殊謹後牧放林中竟失所在
粹翁有詩云云

案此詩全閩詩話祇載首二句全詩見福建通志

宋可菊

永嘉人

春日

門掩東風老無人載酒過半窗春夢短深竹雨聲多

朽樹濕生菌殘蠶已化蛾因思舊遊地臺榭廢笙歌
宋詩拾遺

柳叙

字元德義烏人咸淳初由冑監任蘭溪尉祥興
己卯宋亡不食六日卒吳師道志其墓

橫山聳翠

蘭陰山跨澥溪南春破峯顏三月三松栢森森翻野
籟竹梧隱隱撲晴嵐高摩雲漢千尋路倒浸峯巒百
尺潭此外未知誰洞府試春遊騎必停驂

蘭溪縣志

柳昭

字德懋縣尉敘之子宋亡隱居不仕工吟咏

偕母舅吳師道同遊東峯

木落洗山容眼界豁郊外欣陪杖履遊延緣倚松蓋
廢塔閒雲棲雙流隔溪會昔聞龍虎客點筆翻梵貝
亭臯一舒嘯岩壑吹萬籟何必來坡仙空門鎮玉帶

蘭溪
縣志

顧士龍

字習英號蘋隱

經由天台劉阮洞以雨作不及遊

松杉天矯學飛鸞怪石蒼崕蘚暈團地僻不容人迹

到雲深更覺客衣單春歸不見桃千樹月冷空餘水
一灘欲問神仙向何處山風吹雨作朝寒

天台別編

送王簡卿歸天台二首

迎風吹白髮送客向黃巖在事何爲爾如君自不凡
城陰當復會詩卷可頻緘縱別無多久江沙望遠帆
讐書雖不願治粟亦羞爲夜月同遊處春潮獨漚時
無心資造化任運有成虧護冷加餐食幽居且自怡

天台別編

顧松年

字伯茂丹陽人見嘉定鎮江志

行行向以慰吟觀負郭平湖萬頃寬兩寺鐘聲烟外
聽六朝山色鏡中看難追鷗鷺朋儔密頗怪魚龍窟
蟄寒請濯塵纓自茲始爲辭雲水向長安

丹陽縣志

衛富益

崇德人幼有異質嘗負笈往從金仁山學深探
易理金卒復受業於許白雲宋亡于厓山日夜
悲泣設壇爲文祭文天祥陸秀夫張世傑詞極
哀慘聞者無不墮淚隱居教授創白社書院賦
詩講學縉紳仕元者不得就列至大間有司欲
薦之不從毀其書院遂隱於湖之金蓋山著四

書考證性理集義易經集說讀史纂要等錄至
治間長子迎還故里自號耕讀居士不言世務
不履城市或有乞詩文者辭曰吾欲胸中涵養
德性而已有何說爲嘗語諸子曰士之品三道
德爲上功名富貴何足慕哉一日邁疾取所著
書悉焚之卒年九十六門人沈夢麟黃彝鄭忠
等私謚曰正節先生

題趙子昂竹

漢宮日暮風雷遠南國秋深水殿寒留得一枝烟雨

裏又隨人去報平安

構李詩繫

陸曦

吳郡人

破山光明庵

檻外琅玕山外山三峯橫碧有無閒塵埃莫便市廛
去斜日秋風更倚欄

寶嚴寺

出屋蕭蕭數百竿入門襟袖便生寒相期更待梅英

發醉棹短篷來細看

琴川志

薛純

知夔州天寧監

招蔣世度

郡閣訟稀秋正爽，
攜書劍一相過。

興地紀勝

薛仲庚

字子長永嘉人徙居瑞安

讀書

憂來駟我行，困來駟我睡。
文章堆案頭，時復一開視。
豈能皆通說，偶然聊適意。
駿馬驟平途，里程何足計。
萬象羅目前，忽爲塵所昧。
虎豹貴搜獵，狐兔從委棄。
五鼎雖共珍，聞名豈知味。
均此一卷書，今日與昨異。
求名無欲速，要當畢斯世。
古人不爲經言動，人偶記。

悲哉漢諸儒白首闇文義

春日

晨游每及晡夜遊不知旦春風似醕醪盎盎消我悶
春月似新茗泠泠清我困人生能幾逢月圓花爛熳
何爲守幽獨忽忽音容換沂水舞雩人天機自游玩
叔子登峴山浮名何足歎

以上宋詩拾遺

王旦 厲有非一人

南宋時南恩州守

翠巖亭

人間恠泉石嶺外好山川寺近鐘晨吼林深犢晝眠

西樓

西江橫玉虹
西山羅畫屏
荒城斗椽大
此樓何崢嶸
炎嶺狀隴蜀
三洲通蓬瀛
人煙幾村落
數點如晨星
誰謂海一涯
好峯無數青

興地紀勝

薛巨源

字泉心

重登神山寺

空綠如可悟
心境亦開蓮
法已崇蕭帝
山曾住葛仙
尋僧叩雲屋
觀世說桑田
卻喜重來此
逍遙兜外天

送林良甫

事了却閑時
辭官豈厭微笑人
持酒別留俸換琴歸
亭柳春迎馬
溪雲雨滿衣
行程休記日
花眼醉芳菲

宋詩
拾遺

蔡逸

任資州尉捐俸以助寒生均賦以甦民困去之
日民皆誦之

遊聖水寺偶成

盡日苦征賦
公餘散霽懷
塞雲生古石
宿雨溜懸巖
鳥倦晨猶伏
僧眠午未齋
高人莫相笑
仙尉亦吾儕

遊聖水興慈寺

二月春事半縣花無數開江頭連騎行江霧紹紅埃
下馬坐清蔭觀魚大江隈行行厯山寺金碧森樓臺
拂石有唐碑字老生莓苔緬想古今事悠然一傷懷
解榼醉泉石徬徨不忍回辭徑下扁舟重開樽賸罍
江烟暝川谷冰輪出崔嵬水面映金波流光浮玉杯
蕩漾舟渚間往來恣徘徊一棹轉圓沙燈火來相催
高歌賦厭厭會須期再來

以上資州直隸州志

郭令孫

吳郡人

隆慶

翠壁蒼崖萬仞危勢如天險限坤維山帶岷峨千里

秀棧連秦漢兩川馳

輿地紀勝

郭遠

字先德

春夜宿山家

嶂插清溪靜藁門數椽茅屋正黃昏主人醉卧松間

石白繞梨花認月痕

宋詩拾遺

郭禮

字茂嘉

王徵君松陰獨坐圖

盤石走新蘿飛流下層巘抱琴如有期心與孤雲遠
鳥來天際微林光澹將晚受此松氣清坐嘯不知返
訪徐道人

爲覓扁舟問隱淪白雲何處是通津瑤華滿地君堪

拾始信青山不負人

宋詩
拾遺

郭仲敬

字時懋太醫院使

與周思伯明上人集慶善禪房

可怪蓮花宇相將倒玉瓶談來雲吐偈煮罷石爲星
鳥過花陰亂龍歸海氣腥長齋呼米汁應見佛眉青

壽凌元春宗伯六十

舊是瑤階玉筍班
早乘白鹿出人間
朝依漢殿參元典
夕護仙爐煉大還
三月崆峒傳帝錄
千年姑射駐童顏
馬家仙井家園在
何事青牛遠渡關

宋詩拾遺

郭彥章

吉水人與劉桂隱劉申齋講學有詩名

題廬陵義士傳

淮海風迴吹血腥
青原不改舊時青
中朝將帥論功賞
不及江南一白丁

題新淦劉貞女傳

百年節義仗英豪一死翻憐女子高不敢高歌題卷
上轉喉恐觸舊官曹

以上宋詩拾遺

郭庭芝

字雲生

送趙南仲出視江淮

劍戟翩翩鐵騎攢前軍飛渡潤州灣烽連淮陸口塵
遠月照金山漢壘寒虎旅亦知平口易龍庭不數靖
邊難來威顯允歌方叔願附詩人唱凱還

佛牙寺看桂因贈許秀才

何來仙女散天花剩得餘香伴佛牙留取高枝青漢

上秋風吹送到君家

自然仙井 二首

仙翁去不還石井烟霧白誰能躡其踪勾漏良吾宅
井空寒不流汲取不知夏披襟醉瑤華白榆歷歷下

宋詩
拾遺

葉杲 厲有

閒題六首

縣花初種已成林三尺兒童父母心堂上春風生意
足絃歌一曲盡清音

尋常巷陌燕徘徊帶得春風去不回滄海連天雲浪

潤寄將消息上蓬萊

燕泥猶認舊柴扉
簾影玲瓏度落暉
細數歸期春早
晚一天風絮滿池飛

小園日日管絃聲
花落花開若有情
春色何時到儂
屋愁風愁雨過清明

桃李春風又一場
蹴毬墻外落花香
勸君莫道歸期
近惟有臨歸日最長

鞦韆牆外入斜暉
過盡殘花客不知
春色三分桃李
去一分猶在綠楊枝

上高縣志

葉貴韶

梁觀可龜山雲舍

憶開龍門鑿破靈龜巢娉娥之子竊負東奔逃枯蒼
山陽忽遇洞天鶴留作主賓形勢相爲高揭來吐氣
三千丈照姬左右前後環周遭霸陵山人冰雪操長
竿不掣滄溟鼇平生好結無心侶怡然自得林泉豪
撫摩龜背坐龜項寥蘿補屋臨巖巖山人耳息服吞
氣靈龜呵噓清淑來旋韜半間渾渾不劃限一榻抵
足無分曹春風披拂繭絲縷溶溶裔裔誰繹繹晴空
搖曳小鸞綺擬製華陽霓素袍噴舂森列夏忘暑輪
囷郁紛冬睡幃捲簾徙倚笑蒼狗岸幘箕踞看海濤

靜尋玉馬旋幹斗牛轉肯化鐵騎追逐風雷號汝水
無心更騷騷吾獨晏寂怡不勞便須收拾歸橐鑰
坤粒粟那容舫融融綽綽彼此相藉藉六合無內孰
貶褒小往大來成泰交嬌嬰婉婉衍衍同嬉遨遐齡
通籍老錢府秋霜迴迴眉間毫家園梨栗足盤飣金
漿豈敵松葉醪呼龍聊復畊烟臯玉芽茁暖如沃膏
孚尹凝結蓋龜頂五城十二樓參翺聞君久已縛住
一團堅且牢倘能分我持寄盈咫并州刀

宣平縣志

郭巖

字魯瞻宋末醫士

松徑

一徑深且紆森森蔭松柏清風池上來幽思與之發
逸響諧素琴涼陰散清帙弘景或可邀高懷共披豁
過從叔猥園

風流吾大阮嘉遯狎鷗盟築得野亭曠到來雲水清
斜林收橡實涇水結茶鐺翻笑支公拙買山空得名
顧况讀書堆

昔人何處讀書聲此地猶存舊日名衰艸閉門黃葉
冷香林藏硤碧雲橫地連攜李山河壯江遶吳淞日
夜鳴陳迹已憐荒沒久憑欄惆悵有餘情
宋詩拾遺

葉寘

字子真號坦齋池州青陽人隱居九華山以著書自娛宋末監司論薦補迪功郎本州簽判

賀王伯愚登第

先君有女嘗擇對玉雪王郎真可人連榜舍升俱伯

氏中興家世最名臣

王應伯兄弟皆以舍法登科乃子雲司諫之譜回翔壁

水十年舊踴躍龍門三月新從此青霄騰踏上久知

陳孺不長貧

世无羔雁到林泉惟有登科路坦然我亦門闌多喜色君今衣鉢得家傳龍旗方照三千字虎榜爭趨五

百仙莫道中年情態薄華塗名節儘加鞭

截江網

壽陳監丞

岷峨之秀如雲起前有三蘇後三李三蘇專以節行
聞三李相承取工史兩家百年成美談盛事胡不云
東南春風樓前擁三山秀出君家父子三玉佩瓊琚
詞大放宏博取科跡相望續綸妙體王者言下筆仍
裁舍人樣君於兄弟尤白眉天質寬厚心平夷如舟
万斛方整棹駕揚穩聽天風吹道山蓬萊陳几席自
當席草宮門北玉堂深處覺天低金鎖開時分夜直
人生窮達惟兩途富貴外物如鎗鉢生朝和祝何所

如導引願與樂城俱名節要當參長蘇凜然天地相
終始何獨扁舟載五湖

截江網

送熊掌熊白

熊掌舍魚吾有取自幼嘗聞子車語飯香獵戶分熊
白妙語涪翁乃能吐世間兩味果稱珍故人念我肯
珍分數千里致良不易食美眞當持獻君從小知嘗
熊膽苦人不通今寧識古熊皮兀坐二十年毛去皮
存縫誰補人言窮命有時通老翁八十卜非熊試將
兩味從公卜世間眞有蟠溪翁

送玉面狸與月湖

迎陽舐掌餐朝霜虎額分白狐裘黃野人供之未敢
嘗聊比澗沚溪毛將方其潛遯嵌空去塞向固然知
瑾戶藏身爲地抑何拙令人開戶知其處貴重榮稱
玉面郎尾以牛後誇奇章世間醜好誰爭強賢否一
語由臧倉諗季狸兮美南國範我馳驅非詭獲衣褐
褐見脫脫兮雪綽通身妙藏白人盲可以貢金門芹
美猶云欲獻君倘幸珍稱供玉食全勝肥遯老邱園
侑以詩篇煩筆削詩欠活眼覓一著

截江
網

葉巽齋

壽余郎中

十月壽使君也使君歛惠九江愛行如日威
行如霜政化和平民物熙豫稟天地剛明純
粹之氣如凜冬之初小春之候天時人事適
相符合十者又爲盈數推而廣之十百千万
於是乎積可以祝使君之壽作十月焉

維此十月歲聿云暮惟月之良是謂盈數陰極於坎
陽比於子陰陽消長否泰攸寓亶生哲人盛世基柱
文章機畧冊府武庫承明厥居雄藩外護吏畏民愛
頌聲載路

維此十月稼穡孔實黍稷稻粱麋芑秬秠取陳食農

遺秉伊婦室家胥慶小大饗飫我公之德稽實是似
爲國珍梁馨香薦祀

維此十月可愛其日光華朝升融溫晏布熙熙小春
物態和豫清明在中靡翳靡霧我公之政莫不休燠
衣服其和悅我黎庶

維此十月新霜始降寒不折膠凍不凝沍凜然嚴師
少而慈父戒示堅冰衣裘蚤具我公之威伊教匪怒
不競不綈無怨無惡

維此十月物寶全富雪梅在嶺霜菊盈圃梧竹之高
椿松之固賸馥郁芬古根盤踞我公之壽此未足論

峻峙精神蜀江廬阜

廬山岩岩江水湯湯磨而頌之我公之功釀而酌之
公福無窮再拜稽首以壽我公

維此十月其數無極自十而百千萬及億四百甲子
周而復始書考中書汾陽之比

壽湯吏部

朔風烈烈吹繁霜天地閉塞陽氣藏元冥恣橫生育
息萬類鬱結無輝光東皇愛物怜下土斡旋造化回
機杼新陽用事陰類消爰命崧高降申甫精神秀發
氣宇新造化局量推寬仁未施商鼎鹽梅手且轉江

城草木春江城民繁事叢脞公私煎熬急湯火我公
下車政化新雨露恩深民帖妥湖山千里和氣中賣
劒買牛施農功雪消畦麥弄春色雨過女桑搖煖風
袴襦歌聲沸田里象魏教條挾都鄙東山雖惜我公
歸安石當爲蒼生起新春樂土人熙熙宴寢凝香晝
景遲金蓮舞罷歌一曲瑤觴照席光陸離流霞漱灑
玻璃瓊玉屑輕浮露華滿西來王母獻蟠桃天錫靈
砂丹九轉願公一醉飲千鍾仙姿不老顏長紅正位
鈞衡等箕翼盡納羣生箕翼中

以上截
江網

劉濟

字應徐有日行辨明德辨行世間人

題梅花莊

莊後莊前千萬枝元方題徧季方詩何當把酒對花
樹坐到參橫月落時

全閩詩話劉濟負詩名嘗
題趙必澍梅花莊云云

上官藻

安仁人

寄友人張孝忠

瀟瀟落葉滿江城刈地金風變世情無日不傷車北
渡有書難寄雁南征曉霜滿地歸心切夜月懸梁夢

不成渴望餘波今已久何時握手笑相迎

安仁縣志

鄭傳之

字希聖號稻田翁吳人

戊寅臘望會友雙峨得薪字韻

雙峨文會友生意藹如春風轉聞啼鳥冰銷想躍鱗
焚香溫宿火煮茗熱枯薪一座惟吾老欣然得句新

詩苑
眾芳

上官敬和

江西安仁人

挽張孝忠

赴難捐軀不肯休團湖坪上血波流四方旣已臣新
主一力何堪復舊仇振古精忠昭日月從今俎豆祀
春秋絲綸詔下封忠毅不與凡夫共一丘

安仁縣志

鄭蘊

字天和宋季人工篆書

拾遺云青州人

題玉岩次韻

亂山環遶疑無路卻望人家嶺上村古寺惟耽泉石
趣孤城不見水烟昏早行攜杖雪初起夜誦挑燈景
尚暄遙問隱居何處是滿巖松竹至今存

世路從來疎散甚江山好處且歸休飯餘正好遠尋

景基罷何妨閒倚樓嶺外梅疎初破臘巖前松老不
知秋晚風落日催歸興更約閑時取次遊

宋詩拾遺

鄧啟

字元廸崇仁人有氣節能詩入元不仕

沸湖山

竹石飄飄雪作衣沸湖秋興莫相違青天雲自海上
出白晝雨從山下飛峽角雙崖西面削石梯一逕北
來微百神長護蛟龍劍待斬羣妖奉國威

撫州府志

鄭起潛

字子升號立庵吳郡人

和蕙巖登塔韻

秋向空高分外澄排雲攜手共梯登舉頭便是蟾宮
路休問青霄有幾層

巍倚浮圖幾曲欄遠山屏翠擁林端鵬程便好乘風
上不管瓊樓高處寒

題淵明採菊圖

閑卻經綸手東籬把菊枝先生花外意難畫亦難詩
題蜀道難圖

蜀道難從古于今分外難江山風景在忍把畫圖看
以上詩
苑眾芳

徐渭

新城人南宋時特奏進士迪功郎攸縣丞

嚴子陵祠

碧水映何深高蹤那可尋不知天子貴自是故人心

山靄消春雪江風洒暮林如聞流水引誰識伯牙琴

富陽志

宋詩紀事補遺卷八十一終

門下士湖州府學生員李延适校

宋詩紀事補遺卷之八十二

歸安陸心源伯剛父輯

繆志道

字竹林開化人

讀蘭臯先生集

自少從諸老如公能幾人
斲輪推老手削鑠妙驚人
人物九泉古詩名千載
新矮窗遺稿在一讀一沾巾

開化縣志

石逢能

號龜翁

天津橋

下馬過天津聽傳禁漏頻惟憐一橋月曾照六朝人
金制宮門字紅飛粉壁塵中官來宿內因問帝鄉親
建康志

郭波

陸象山先生墓

大道久荆榛岐路苦未併博約豈不賢末學恣馳騁
口耳謾紛紜徒知響與影吾心自神明一掬涵萬境
昔者斯文麾紫陽已獨秉厥德天不孤時生陸子靜
陸朱夫何殊性天俱炳炳議論偶異同吁咈豈爲瘞

考亭任重資汲多費深縵象山直劈豪舉手提要領
一起跬步間循循登峻嶺一從百仞巔洞視下萬頃
轍迹隨入途金蘭同有永何知好事徒紛紛自燕郢
古人亦有言聞過乃爲幸二翁九京中豈不重炯炯
低頭古墓下想象見光景有劒不敢懸爲君發深省

宋詩
拾遺

鄧浩

圓通閣

下馬入山寺空林秋氣豪佛靈踪在石僧老耳垂毫
松倚西風瘦山啣北嶺高絕塵驚物靜彌覺一生勞

羅浮志

黃煜

蝴蝶洞

陰森古木護漣漪洞裏藏春人不知不是桃源深有
路何如蝴蝶滿瑤枝

羅浮志

馬仲珍

遊圓通寺

十首
選五

十步九憩息行行不計程徑長人未盡寺近地差平
古井知潮候重雲隔磬聲榴花半零落碎糝石棋枰
一筇吾事足身世付科頭漸長石間筍半遮林杪樓

雲飛山欲動木落塔如浮遊客未歸去松陰入茗甌
山空不隱響一葉落還聞龍去遺荒井僧歸禮白雲
蟲絲昏畫壁嵐氣濕爐薰睡思渾無奈茶甌易策勛
欲坐又還起白雲隨我行一空皆佛性羣動共秋聲
崩石斜分路支岡半入城明朝山下去平地見朱甍
老僧頭擁雪領客下堦行盡日坐山影有時聞市聲
千峯平裏寺一徑背通城幽訪未成返水中新月生

桐廬
縣志

李玉壁

王山次劉敏求韻

東遊喜得最勝處松竹陰森隱雲霧不有穹碑記年
月世人那得知其故太和諸山此爲魁匡仙遺跡多
荒苔石泉六月灑晴雪陰洞有時鳴風雷仙馭當年
此飄泊釣魚讀書有真樂大郎坐化膺王封阿叔飛
昇跨仙鶴倦來還過山僧家地位清高烟景賒滾泉
地上坐望久何須煮石傾流霞

三顧山次劉韻

萬壑松風收宿霧茲遊風景勝前度清節百年臺尚
存白雲半間僧已去講道惟於此處宜慕仙恐被痴
人誤盧度神術空有名汾陽遺跡本無據

吉安府志

傅燮

朝斗壇

無雲世界玉蟾飛
夜半真人拜斗時
銅作魚龍何自至
定應頭角起天池

雙髻峯

從來巨壑豈藏舟
大釣何心在一鈎
悟者乃登迷者返
臺荒留得記仙游

羅浮志

南埜

過蕪留詠

湖山夢不到襄闈
六載沈酣一出遲
漁子能言飛渡

處市翁親見潰師時權臣貴戚戈相藉北漿南檣風
背馳事逐孤鴻今已矣年年水落荻芽肥

蕪湖縣志

劉六芝

觀北山先生可友亭帖子有索余著句辭不
敢僭而請益堅輒題二十八字因勉後人善
繼先志云

古道今人慨不同世情對面九疑峯四尖山色元如

舊會構新亭始亢宗

北山文集題跋

章崇簡

步同鄉張君坎壁韻

年杜老最風流來往清江逸興幽西蜀好山宜入
畫南龕佳景遠舒眸民安暫得琴書樂歲宴間爲鹿
遊記得鄱陽張子韻白雲紅日共悠悠

巴州志

黃在素

藥市

稗川昔日營丹砂華池神室蒸朱霞石臼潺湲瀉飛
瀑碧溪窈窕開桃花此地相傳有靈雀曾竊長生玉
壺藥聲聲伊戛醒塵昏勸擣玄霜鍊金杓仙翁乘鸞
去不還仙禽長在雲松間百年鼎鼎勞形役誰能脫

屣巢神山

羅浮志

陳自立

天華庵

孤庵顏天華琳館依芳樾秋霄寒碧中萬籟寂不發
瑤風響笙竽斜日散金屑坐久夜色侵啼螿滿苔穴
偶懷僞漢宮疎鐙耿明滅

羅浮志

曹魯孫

題忠愍公送媚邢得昭歸婺女詩後

路八千來媚亦難相看冰玉問平安剪燈夜話思全

蜀五十四州天上寬

北山文集題跋

曹安

杜貴墓

東出共城門古墓何纍纍就中如夏屋下馬讀銘碑
始知太尉名富擅政和時詎知邑境中倉皇來赤眉
敢勇率子弟肆殺力弗支編氓賴保全迄今令名垂
潺潺百泉流日夕聲猶悲

宋詩拾遺

黃矩

陸象山先生墓

西風匹馬駐郵亭茅屋鷄鳴尚未醒野寺秋聲三徑
竹石橋雲氣一潭星寒欺短褐霜華白水落平田野
蔓青師友家傳今寂寞欲移文字問山靈

宋詩拾遺

盧大年

羅浮山

骨月成岐路嗟嗟晚世人兩山千萬里浮海自相親

羅浮志

楊元亨

號鵠山

半山寺

蹇驢挾策一蒼頭罷相歸來隱寂寥看到半山山不

足依然野水漫青苗

建康志

俞桂英

號野雲苦吟一生賈似道稱之

人影

身外復添汝無言隨去留自從生便有直到死方休
步月常相逐臨溪元不流靜中明道眼總是一虛浮

句

一點梅香到三分酒力消

母念子行遠兒云爺未歸

白雲一樹鶴孤宿明月滿樓鐘鼓聲

百無一事身爲客十有九分心在家

盧壽老

南宋人

雨花臺

輜車行曉快新遊
更上雨花臺上頭
看不厭人渾是景
清無極處奈何秋
地完龍虎堂堂立
江泊鯨鯢滾滾流
一帶黃山是淮土
依然望弗見神州

景定建康志

朱南金

宋季人

石樓

在羅浮山

蒙茸披盡自成蹊
兩扇巖扉向日齊
說與白雲休鎖鑰
留將千古指人迷

羅浮志

俞本

遊妙行寺

中峯蒼翠裡微徑入禪關石座香塵積蓮池苔蘚斑
鶴盤雲在樹龍過雨侵山會得規中意怡然一解顏

錢塘
縣志

蕭飛鳳

送劉孝廉之任寶昌分教

涼風嫋嫋雨疎疎秋至關河白雁初承認北來光盛
典拜官南去重名儒花林載酒春游處竹館橫琴夜

講餘濟濟英才宜教育好將詞賦擬相如

贛州府志

吳白

字少白

題畫扇

風枝露葉有餘清
轉盼還從玉筍生
願得此君長在
眼
子猷雖老未忘情

浩然齋雅談吳少白豪逸負氣詩文立成嗜酒窮空晚爲僧于廣化寺籍中有楊韻者能小詩善墨竹一日諸公會飯少白持白紙扇楊爲作小枝子上少白題一絕云

吳南壽

臨川人

靈谷山

嘗聞天台八萬四千丈髣髴根蟠東海上赤城丹霞
二石梁幾欲從之路難往吾州喜有靈谷山懸崖秀
出羣峯間興來騰身覽絕頂十步九折勞躋攀追尋
凌雲撫遺跡門對長江秋水碧洪波浩蕩繞山流鷺
晚鷗窺雲樹黑焚香再拜禮浮邱烈烈北風吹殿頭
夜深何處候笙鶴披衣託宿南巖幽

舊江西通志

朱誥

朱子庵

落魄塵埃七十翁平生夢想此山中未應凡骨逢黃

老

釋川猶幸垂髫識莫公

誥垂髫時已見莫公

泉澗

泠泠皆佛法竹符葉葉總神功刀圭欲問吾仙祖

朱真

人一洗塵勞萬慮空

羅浮志

張煒厲有作偉

字子昭杭人有芝田小詩

題夏訓武珪畫牛

枯木立數莖斷岸走千尺旁有牧牛兒放牛倚拳石
牛閒芳草閒兒倦眠跼踏畫手筆入神淡墨奪真跡
憑誰喚兒醒落日歸路僻覺來橫短笛吹斷遠山碧

騎馬

陌上騎驄馬朱纓耀日丹袖欺鞭竹瘦韉入韁金寒

毳帽兜貂鼠茸裘織雁團戎裝吾亦可初不礙儒冠

春晚郊行有懷

行春車馬漸無多閒步郊原玩物華已角未腴陰徑
筍似香非韻別籬花子規饒舌空催客蛺蝶貪遊不
戀家常記湖邊同詠賞歸鞍扶醉月籠紗

歸畊

紆青拖紫信天緣才說歸畊自樂然二頃良田供活
計一鉏風雨飽豐年妻條桑葉催蠶起兒脫莎衣傍
犢眠不是此心甘隱退爲貪農隙理殘編

觀王氏山亭舊基

山亭礙月不容留
拆去危基立故邱
落日倚筇舒望
眼片帆鈎破一江秋

書向耐軒

薌林一譜傳清白
以耐名軒更出奇
修竹護窗梅夾
路歲寒消息獨君知

鷗鷺世界

徐氏
堂扁

間飛蘆葦疑成序
獨立菰蒲似不羣
愁思無邊煙水
闊畫家詩境合平分

江湖
後集

吳鶚

字子平興國軍人範之子也爲光祿寺丞雅好

山水尤奇廬阜

簡都昌居士余耀卿

買山不問錢多少知對廬山第幾峯

輿地紀勝二十五

彭止厲有

四賢古風壽帥閫

大帥判府待制嶽降生辰某若用時世常語
何所好以取媚則近乎不敬獨撫古之仙聖
得四人之最者以進公於道且釋所以爲號
名之意若謂其不審夫分量而妄有以瀆尊
則誠恐誠懇

老聃子

昔在羲皇前遂有鬱華子蒼姬握圖籙更出爲柱史
應世抑何久萬有千餘祀一日將度關崑崙且西指
短車駕青犢上有紫雲起占風知聖人再拜勤尹喜
授之五千言試一撮玄旨是身求不殆其要在知止
萬事皆倘來軒冕直寄耳乘雲遊大清坐進長生理

廣成子

崆峒鬱岩嶢直上萬丈强中有廣成居白石砌華房
抱神靡自役室靜藹生光歲丁千二百來今詎可量
土德方在御齋心造其旁至道顧何在願一示其方

雲飛不待族木落不待黃形勞精則搖於道未相當
失之爲下土得者上爲皇妙訓闕玄局爲公發天藏
誠能守其一智故兼相忘往遊無極樂二儀久相長

赤松子

古之得道士住世詎可期吾觀赤松子宛在神農時
隨飈歟上下分職爲雨師炎皇女得仙馭氣常追隨
帝降以逮王嬴氏接蒼姬更革非一代隱見不可知
赤精制六合子房定王基功成應天道挺身往從之
名列太玄童玉女如嬰兒願言踵高躅壽命一如斯

和安老人

煌煌王侯族富貴甘如蜜飄飄學仙侶翹舉自蓬華
且如王子晉玉笙吹已畢白鶴忽來尋乘虛氣何逸
劉安振其後飛騰聞舉室微如雞犬類雲間詎相失
斯乃帝王孫安在岩穴出至今和安老千載與相匹
沙土暨雲陽聞諸徑所述此地可長生得之養形質
乃知朝市隱勝彼山林日和平能毓氣安靜常抱一
號名豈虛假是謂練形術焉用採昌陽寧須茹芝朮
從今列仙傳當續更生筆

截江網

周自中

字祥父號春塘永嘉人

贈西山磊泉庵僧

門掩古崖碧霜欺苔逕斑去城無一里此地若深山
留客吟松下驅泉過竹間羨師無外事相伴白雲閒

山居

又是間中一日過明朝活計看如何拾薪童子歸來
晚報說南山野菜多

以上宋詩拾遺

席珍

吳興人參知政事席益之後隱居南山自號山
雲喜飲酒善鼓琴後無疾卒詳湖州府志隱逸
傳

留題酒家壁

山雲出山無一錢日日醉倒春風邊
采蘋橋南徐孺

子白酒初熟留神仙

吳興藝文補

邱攀桂

接筍峯

天下名山說武夷高峯晴樹碧雲齊
望窮石鼎疑無地行到山根卻有梯
茅屋成村多卜隱艸書懸壁半留題
幾時掃斷紅塵路一葉漁舟九曲溪

武夷山志

邱一中

字履常橫山人能文章有聲望
吳師道稱其詩

清警雋拔多可愛仕至武學博士嘗添倅江州
爲閩帥汪紫源所知居恆薪米不繼宴如也

偶作

仙都有勅到林泉誰信祠官無俸錢陶醉猶能麾客
去顏饑何至乞人憐鹿蕉已是今無夢枸杞曾傳昔
有仙饑死亦堪垂不朽無緣個個珥貂蟬

蘭溪縣志

留元崇

正之孫端之子官知連州

遊羅浮

遠看空碧混崔嵬近見重重翠作堆古木陰中藏洞

府亂雲深處出樓臺
文禽耀日來相喚羽客乘風去
不回惟有東城舊遊跡
屐痕猶自遍蒼苔

天漢橋

誰人挽落天河水
飛向寒崖無古今
寄語山靈好呵護
書儒從此得知音

卓錫泉

風月矜懷歎古人
蕭然天地一閒身
夜來偶讀唐庚記
貫石通泉在一真

慈濟庵

笑指星壇近斗傍
七松上映七星光
黃龍洞口胡麻

飯不是神仙不得嘗

歸自星壇日未斜
艸庵留住一杯茶
道人自點花如

雪云是新收白露芽

羅浮志

羅浮山

神山神山羅與浮
二山東來幾千秋
蓬萊夜半失左股
龍驚虎噉玉女愁
至今兩山翠欲滴
却與蓬萊比山色
黃金作橋通九霄
水晶爲簾挂千尺
神仙舊說何渺茫
神仙窟宅今何望
仙不在山泉水香
仙翁飛去松風長
我將浣手扣玉戶
乞杯長生九霞觴

廣東通志

山川

四

金卞

天台人

遊金庭觀

尋真窮養浩崇妙路迢迢洞掩峯千疊塵分水一條
白雲生石壁飛閣插崖腰隱隱存仙跡渾疑在碧霄

刻錄

宋詩紀事補遺卷八十二終

門下士湖州府學生員李延适校

宋詩紀事補遺卷之八十三

歸安陸心源伯剛彙輯

金似孫

字叔肖架閣之焱之子自少雋敏強記工舉子
業文科旣廢遂一意於詩清新雋拔喜植蘭自
號蘭庭有金蘭庭詩集

雙頭蘭和吳應奉韻

手種盆蘭香滿庭閒來趣味獨幽深敢誇雙萼鍾奇
氣祗恨孤根出晚林長倩生男不得力滕公有女謾
榮心援琴欲和春風曲却對騷魂費苦吟

吳禮部云
西京雜記

長倩一生二男滕公一生二
女金男女各二故其詩云然

蘭溪縣志

劉鏗

鏗號秋麓南豐人壩之叔父高年隱居著作不倦尤長絕句曾元伯刻其遺吟以絕句爲首其書不傳

觀讎

寒雲岑岑天四陰畫堂燭影紅簾深鼓聲淵淵管聲脆鬼神變化供劇戲金窪玉注始淙潺眼前倏已非人間夜叉蓬頭鐵骨朶赭衣藍面眼迸火魑蜮罔象初坼伶跪羊立豕相嚙嚶紅裳娉女掩蕉扇綠綬髯

翁握蒲劒翻筋踢斗臂膊寬張頤吐舌唇吻乾搖頭
四顧百距躍斂身千態萬竿索青衫舞蹈忽屏營采
雲揭帳森麾旌紫衣金章獨據案馬鬣牛權兩披判
能言禍福不由天躬履率越分愚賢疾藜奮威小白
服白敷勿切鬼頭也也藍縷揚聲大慙哭白面使者竹筱鎗自

誇搜捕無遺藏牛冠箝卷試閱檢虎冒肩戟光睽閃
五方黠隊亂紛紜何物老嫗縹緲熏終南進士破鞵
綳嗜酒不悟鬼看覷奮髯瞋目起婆娑眾邪一正將
那何披髮將畢飛一呖風捲雲收鼓簫歇夜闌四坐
慘不怡主人送客客盡悲歸來桃茆坐深蘭翠鴟黃

孤猶在眼自歌楚些大小招坐久魂魄游逍遙會稽
山中禹非死鑄鼎息壤乃若此又聞鬼姦多馮人姦
馮鬼姦入神明日冠裳好妝束白晝通都人面目

詠陳後主

晉王前殿賀平陳從此江南雨露均四百年間重混

一誰知江令是忠臣

以上江
西詩徵

林靖之

字共甫吳興前輩能詩不凡

賦梅

與月淡交連影瘦于春無競著花疎細雨斂塵棲蕊

潤輕雲度谷壓香低

劉有慶

字元長號損齋平江書院山長本蜀郡人初任
南陵主簿遂家焉後官至翰林待詔

効長吉體

窮廬夜雪沒駝脊黃沙號風冰結實燕姬二八髻垂
漆柔黃斜抱箜篌立老羗踏歌歌勅勒黃金流星酒
杯窄紅氍毹暖春雲濕縷金團衣猩血滴玉釵醉滑
鷗絃急角聲滿空霜製骨十萬獮君掩襟泣

送楊長卿任贛州知事

望郡推章貢斯遊趣不希風清王儉幕春滿老萊衣
鯽沼迎秋月螺亭覽夕暉政成如有句肯寄北鴻飛

鍾山

蟠龍垂顧飲江湄卧護宗祧被一時馬渡已嗟南國
感猿驚何暇北山移郊壇曾祝千年運塔廟空留異
代悲北望中原形勢盡太平草木亦熙熙

以上宛陵羣英集

林曾

字伯元號梅嶼永嘉人詩極佳

溪上謠云

溪翁兒女枕溪住時把釣竿倚芳樹沈吟獨坐忽傷

心釣得魚來放將去

浩然齋雅談

汴河

一千八百隋家路兩岸青青入帝都
可惜翠華南渡後舊時楊柳一枝無

尤帶

字公垂號復初以從父莊定公蔭授廸功郎將
作監主簿著有復初齋稿

春曉

東方看欲曙三五斗參橫月影斜穿竹
雞聲遠逐鶯花街紅露膩柳浪翠烟輕
滄海升朝日春光滿太清

梁溪
詩鈔

潛放

官司戶

慶江檢詳太夫人

盛事于今蘇老泉郡侯端的是坡仙棣華咫尺龍顏
近競詒皆由孟母賢

見說團欒醉壽觥椒盤長近歲崢嶸今年臘裏欣逢
閑直待春回却舉行

笑著斑斕學乳兒民情物意總相宜嬉嬉同在春風
裏父樣尊嚴母樣慈

誰謂廬陵是富州反成窮匱省
支收壽筵只作家常辦不學豪奢逞異羞

只把雙珠學道功可占椿筭與萱同
平反陰德知多少盡在慈祥豈弟中

記得迎承過葛川穉金未肅嫩涼天
當時若徑趨金闕安得廬陵有此緣

吉文江口到臨川半是康衢半是舡
泛綠依紅春正好魚軒來往綵衣邊

時檢詳兄任江西提舉

君王宣室正興思尺一催歸四輩馳
壽宴明年當此日蟠桃宣勸在瑤池

戴江綱

詹琦

字景韓崇安黃村里人隱身不出築靜可書堂
於武夷山南箸有滄浪集一卷

遊仙

弱齡秉末向撰念遊蓬瀛騰蓋玄圃臺投轡赤霞城
紫府五香馥丹邱四照縈班龍何天矯青鳳來相迎
道逢王子喬手曳芙蓉旌靈風襲霓裳邀我謁瑤京
天帝坐叢霄羣仙列兩楹羽節自飄揚眾樂鏘然鳴
授我金龜秘錫我玉室名渴漱沆瀣漿饑餌橘樹英
忘形思入玄道在豈求羸流覺神驅盡逍遙雲旛輕

棗花千歲結桃核萬年成海水揚塵竭天衣拂石平
祈年本無分望仙徒自營寄謝樊籠士那知遺世情

崇安縣志

饒炎

炎號竹坡餘干人魯父

示兒魯

匡居終日只欽欽一寸靈臺萬古心鹿洞象山前路
在頻思寡過到而今

江西詩徵

羅大全

送孫太冲守懷安

願挽玻璃江霈作東州雨

輿地紀勝

羅太岳

湖南平江人宋遺民九老之一

句

素絲不改衣冠舊黃道從教日月新

沅湘耆舊傳

羅太亨

湖南平江人宋遺民九老之一

句

且追白社爲耆會縱買黃金句少年

勢利朋儔隨處有詩章行輩逐年無

以上沅湘耆舊傳

羅太瘦

字□□□□人宋貢士

述懷

淮海歸來二十年結廬仍向舊山川
旣無酒債貧休恨浪得文名老
尙傳曉日輪蹄思柳外春風羯鼓在
花前如今靜聽瓶笙韻猶似當年咽管絃

題鶴林宮

暑往寒來迭世間有誰十載駐朱顏
騎鯨客去天連水跨鶴人歸月在山
爐火頓消情慾境劍金須斷利名關
烟莎隨分巖前綠猿馬不驚春意閒

元詩選

張堯幹

堯同弟兄行

次唐彥猷顧亭林韵

蘭若王家像相望博陸居衣冠塵易暗簫鼓祭全疎
草色侵花徑潮聲過夕墟遺風猶可想弔古一觴餘

又

水村有亭林黃門舊曾居海山凝遠翠草木自蕭疎
豈見讀書處遺跡但荒墟獨留名不朽傳之千載餘
題李景元畫

聞說神仙郭恕先醉中狂筆勢瀾翻百年寥落何人

在只有華亭李景元

嘉禾志

王希淮

希淮字同甫安成人廷珪諸孫炎午父有孝行

蜀閬余蚡徵之以母老力辭不就

按安成卽今安福

送子應梅入太學

壁流天下士取友戒荒嬉家國關身重鄉園得夢遲

子行雖不惡我老自堪疑莫似遼東鶴悠悠不可期

江西詩徵

王謨

字子信陽義人有潛泉蛙吹集

上之回

蠲吉辰薦明廷祗中壇賓萬靈譙祠壽宮禮太乙東
祀天孫西太室靈芝寶鼎胙元封親郊雍時回中峯
中峯絕險天所劃百神驅導平如席雲髻秀革高拂
空翠輦玉鸞鳴霹靂試憑蕭關望朔方月支稽首樓
蘭降復朝獨鹿狩鳴澤芬樹羽林歸建章建章壁門
春晝永井幹秦液多游幸千秋萬歲樂何幾度鸞
旗出安定

黃雀

畢通秦氏烏差池吳宮燕秦人挾彈巢若危吳宮遺

火巢空散不如野田雀終日茅簷角卑棲俯啄蓬艾間不畏鷹鷂與繒微

贈括蒼季此翁

君來古括州吳楚一筇遊衣染匡廬碧詩清雁蕩秋山行尋隱逸野坐傲公侯不欲攜書獻文章生古愁

早行

曉入荆溪路西風快似刀雲深埋樹腳水淺見溪毛歲序相將換人心只自勞牧童牛背卧令我愧兒曹

送薛端夫赴武學舉

溫然如美玉文以武兼之發鏃沙穿的揮毫不待思

行途多早氣參學已秋期捷報重陽近黃花汎一卮
賁筍

案有磨人墨囊無使鬼錢難教典班史只可折花鈿
破屋日多雨頽簷夜見天山童因煮筍庖下始生煙
飯罷

飯罷扣松關襟懷分外寬凍雲深擁寺寒瀨淺鳴灘
苔剝碑文字香縈古篆盤尋春難著句爲怕起愁端
雪意猶商畧溪雲半有無短莎眠野犢枯樹點寒鳥
半落詩仍在蕭條歲已徂過門人挽住相倩寫桃符

柳絮

解作漫天雪終成滿地灰行空無罣礙入幕任徘徊
巧趁蜂鬚去輕隨燕翼來顛狂渾不定飛舞過樓臺

簡劉吉父

長安爲客者皆是利名人只有君同我惟添病與貧
秋風籬下菊夜雨水邊蓴擬共租船去歸家趁小春

簡章伯和

論交三十載彼此坐詩窮只恨性各別其他心盡同
茶苗封穀雨■葉寄蘋風無限懷君意鶯聲綠樹中

題詩僧亞愚眉白集

向來已觀集今見自吟詩天下有清論僧中眞白眉

淡如秋水淨濃比夏雲奇慎勿輕拈出常人罕見知
簡吳若清

絲桐挂壁戶常扃雅弄深防俗耳聽滴露研朱重點
易焚香炷火細翻經山含晚色千峯紫松傲新霜一
派青獨向巖扉抱高隱有誰能識少微星

留山菴

遙山一望青如染到得山邊卻不青松徑有風常自
掃巖扉入夜不曾扃燒殘柏子重添火沾得村醪旋
倒瓶卻羨山僧無一事日長簾下靜翻經

泛茗溪

六幅蒲帆去似飛，浪翻新漲綠沿堤。
一川水墨王摩詰，十里鶯花杜牧之。
雲遶楚宮春雨後，煙籠秦樹晚晴時。
人生來往情何極，江北江南酒一卮。

入山

入卻山來事事宜，眼邊何處不關詩。
風飄花片上書冊，冰浸山峯入硯池。
酒欲飲時斟易盡，棋當勝處著嫌遲。
箇中自有無窮趣，莫遣兒曹取次知。

茗溪舟次

扁舟煙重冷漁裝，兩岸人家浸小河。
芳草自生春自老，落花隨雨晚風多。

老落花隨雨晚風多

江湖後集

王炎午

炎午初名應梅字鼎翁後改今名別號梅邊安
成人事母至孝女信國公募兵勤王杖策從之
留幕府旋以母老辭歸信國被執爲文生祭之
終身不仕有吾汶稿

贈戴石玉

琢之磨之玉汝于成熟爲玉工師友父兄他山之石
今則在我彼璞之棄我責之墮爲瑚爲璉如珪如璋
山澤之潤邦家之光玉不自毀人自傷寶聞士稱名

不離其道

江西
詩徵

楊冠卿

字夢錫江陵人僑寓臨安登進士第歷官知廣
州著有客亭類藁

古有採鞠菜萸篇尙無一語及淵明長房舊
事鞠菜於此其亦有憾矣平九日戲爲鞠菜
補闕其體則準之簡文

落英拾秋鞠委佩紉芳蘭以其清且芬可服仍可餐
吳菜味苦辛奚亦登君盤囊紗縈臂玉恍記汝南山
黃鵠招不來倦子何時還

菜萸

紅塵著腳雙鬢斑折腰五斗眞作難巾束一去不復

還歸臥柴桑紫翠間東籬悠然見南山欲辨忘言心

自閒

探鞠

別鄭大用于潯陽

子眞千載士流風凜然存襟期輩古人喜見雲初孫
客裏青燈連夜語痛飲忘形到爾汝掀髯一笑倚胡
牀浩歌赤壁波雲句楓葉荻花秋送客令人愁挽君
君不留今日具扁舟我欠蓋頭茅一把何時去結雞
豚社澤畔行吟醉復醒共看屬玉雙飛下

壬寅夏五月將治嚴陵之裝欲用李長吉故
事買奚奴負詩囊以歸呈谷隱趙使君

少年學書劍矯首睨八荒闖闖記昔游霞佩高頡頏
一跌下青雲意氣久不揚欲取平頭奴提攜古錦囊
歸釣富春瀨濯纓歌滄浪

寄別友生馬千里

秋鴻社燕幾時休萬里無家天盡頭青莢綠蓑今已
辦江湖歸去老漁舟

瘴雨蠻烟道路賒囊書匣劍是生涯海山佳處能相
憶好寄新詩雁字斜

頃歲如番禺與慶傳十六兄遇上饒後五年
同會於霄時太學增置生試竟不遂志將別

朱詩卷十三
去理朱方棹因詠昔人對牀之語慨然有感
作是詩

囊空未辦買山錢壯志隨人祇自憐千里鄉關愁夢
裏幾年蹤跡瘴江邊回溪重困南搏翼異縣還尋東
去船何日蒼崖結茆屋與君風雨對牀眠

同韓吳二寺丞飲西湖梅花下酒酣繼韓韻
冉冉山雲薄暮時壺觴歌詠欲忘歸一杯且爲梅花
醉莫待梅花作雪飛

以上見客
亭類藁

黃敏求

字叔敏修水人集名橫舟小藁或題詩其後云

涪翁之音調朱弦至今草木猶芳妍後來清氣
有所屬鏗轟句法非雕鐫蕭序以爲其各體
詩時出入於晚唐亦問似楊誠齋不專主山谷
云

野塘雜興

仕進固所願貧賤亦所憂抱璞不自珍適取則足羞
不如寂寞濱橫此野水舟時平儻可爲冑遂伊與周
著書俟百世亦可圖與匡進退兩不惡久矣吾其籌
地僻車馬稀柴門不須扃晨興正衣冠浣手供爐馨
柰此日永何閒課離騷經一片蘭茝心千古日月明

爾豈乏忠憤所欠惟和平要之仕與止奚必分重輕
吾但適吾可不願得爾名

別詩人余叔雲

萬柳橋邊住挑雲過艾東未應爲計左輕去犯詩窮
雙屐江湖上清名字宙中折梅作行供香已破椒紅
筆硯無靈久寒檠自掩門虛名何預我漫刺重煩君
茶外無祇待詩邊得細論別懷莫兒女相祝張吾軍

時叔雲
方赴試

書齋

新闢書齋鶴柵寬一簾風月盡幽閒百年易向忙中

過萬事偏於好處慳漫說折腰營斗米何如留眼看
雲山只看一卷梅花句留得林逋在世間

予丙子辛巳兩遊解空寺己亥秋又至思上
人徙舊徑自怪石中頓發奇觀叔亮弟取山
谷詩文名閣曰卧龍巖曰青玉盞山之門曰
天下勝處令泳之作隸扁爲賦七言

兩叩雲關記昔曾重來詩眼倍晶明路移巖石中間
入人在洞天深處行玉盞虛明添翠色霜鐘清冽帶
秋聲與君小摘涪翁句留得青山不朽名

涼棚

未庚赫日已焚空
亭午西齋坐甑同
橫竹旋排蒼葉密
小牕移在綠陰中
情知瑣碎妨新月
稍喜牽連得暑風
分我清涼詩境界
一蟬吟到夕陽紅

書鄭亦山冷澹生活

九陌紅塵不肖居
攜家租屋住西湖
月香水影賡和靖
雨色晴光憶大蘇
詩比晚唐成冷淡
人如東野更清臞
晴窗盡展芳編看
一片寒冰浸玉壺

江湖後集

王侃

字剛中號立齋金華人與王魯齋倡和

題畫扁

野橋人跡少林靜谷風閑誰識孤峯頂悠然宇宙寬

又

深林擁蒼翠絕巘頓陂陀便欲褰裳去乘風逸興多
過分水嶺卽事次韻

積陰頗愁寂一笑晚風生豪爽傳詩韻清真破俗醒
層巒思就隱大壑戒趨程芳草無人種連天只麼青
濂洛風
雅卷四

黃義貞

字孟廉餘姚人篤學好修事親以孝聞大德間
有司以賢良薦徵拜博士不就隱居鳳亭壽一

五歲

白雲寺

燾雲

僧名

寶刹誦瑤編屋上靈雲每見連知是蒼穹相

表異卻教瑞氣日纏緜細縕像護清虛界潔白光涵

兜率天老我欲過金子舉細探靈跡恨無緣

元詩選

黃宏

宏字子約號已齋超然從子博極羣書尤長于
詞賦有以史才薦者不就落魄江湖幾三十年
文章流播天下有穀城集

過天姥嶺

天姥連天橫我過如牛脊乃知李謫仙夢遊言過實
徐生亦好奇請問劉阮迹安知古仙人太平入鬼域
妖狐花滿頭媚人強求匹流杯飲胡麻磊塊皆沙礫

書歎

文章關氣運要與理亂符誰知周赧末猶勝秦皇初
向來五星聚奎躔遂華敷南北起周召東西擬歐蘇
豈惟一時盛萬世垂楷模我雖季世產聞道端不誣
豈有蒼精劍鑄自燒葉爐豈有軒轅鼎散入蠻娘沽
久幽世或有速售理則無夕陽淡茅塢荒烟正模糊

呈蕭大師

太掖句陳瑞靄浮宮花時綵五雲裘湛盧光截飛狐
月繁弱風號涿鹿秋蟣蝨幾曾生介壽貂蟬又見出
兜鍪南來穩作風流帥日上樽桑瘴霧收

元詩選

題擬虹橋

父老橋邊問我公笑談能辦濟水功天光分碧一千
頃晴影飛虹二百弓好與諸公來賞月曾知此地亦
垂虹乘風似有驚人語壓倒滄浪亭上翁

唐良驥

字德之純孝鄉三泉人博學能文舉明經仕至
提刑司幹辦官與金履祥相友善爲建齊芳書

院講道著書其弟良知良瑞皆從之學

贈金仁山

時延仁山講學於齊芳書院

公已蒼頭我黑頭兩情常得守清幽紛紛世事浮雲
變汨汨人生似水流行止何期南又北交情又見夏
還秋可堪天意常如此只合無心任去留

命有窮時道不窮命窮何處更求通此生未老應須
學萬事由來要適中物欲盡時心始曠天真動處氣
初融百般佳趣難形狀自與常人迥不同

蘭溪縣志

梁佐厚

高山堂

在寶積寺後僧擇璘建

危巔層閣倚雲平一凭欄干醉魄醒霽雨亂山生淡
碧帶風寒竹有餘青孤猿傍石來深澗幽鳥衝烟入
畫屏卻讓高僧占仙境蓬萊不獨在滄溟

宋詩
拾遺

梁鉞

字安節處州宣平人元時力學能詩郡以明經
薦不應名所居曰白雲堆有龜山倡和詩

龜山白雲堆

白雲堆數椽茅屋龜山隈中有老翁甘淡泊無榮無
知心如灰儼學希奇子熟睡不聞雷款門無俗客掃
徑多荒苔不願排雲以額扣闔闔不願簪雲飛步凌

崔嵬但愛悠悠舒復卷青山元鶴宜兼該功名草露
不足特流光石火行相催白雲堆水皎皎雪皚皚六
景變氣候寸田尺宅生靈胎幾見井梧墜秋葉還看
野草發春荄有時掃雲石上展棋局有時望雲箕踞
啣螺杯膝上焦桐缺徽軫匣中舊劍埋塵埃倒冠落
帽真悠哉樵歌牧唱誰嫌猜短髮蕭騷半垂領行住
起卧雲相陪夜眠雲作被春衫雲剪裁朝出雲相從
暮歸雲復來此老龍鍾逾九十一生常與雲徘徊

宣平

縣志

梁淳瀾

字觀可處州宣平人博學不求仕進著有周易
附註五行五事辨及象物等篇滄江漁唱等集

次韻答葉貴韻

山人初構棲幽巢排青鑿翠精靈逃飛鳶翹望巖岫
竄孤鷗清嘖天風高天風蕩盡眯目壇凝結清涼普
覆來旋遭孽絮吹綸夜混沌散作甘露滋金黿白眼
忽來雲外友清溪仙子詩中豪近聞逍遙八吏隱胸
中磈礪森層嶽擢辭時吐白霓燄憂國會授黃石韜
鴻章擲我嫺圭璧凭几朗誦驚羣曹崑崙菁英采大
璞扶桑甕盎抽長縑夜光照耀白衣縷焜煌光浣將

軍袍復有剪水快并股欲分遊絲華錦幃卽呼屏
相持贈化作萬頃雪翻濤只宜談笑挂笏共怡悅
莫觸靈靈生怒號知君在顧思蕭騷欲偕訪道無辭勞
登巖角鹿奔作驥渡澗鬚鱗浮挾舳紛紛郁郁襲裙
袂於我浮雲豈辭褒無心舒卷從變現無跡往還任
遊遨四壁空虛自生白壻埃淨盡無纖毫斷崖抉髓
具珍供刺泉流液輸瓊醪持觴一酌契九臯歎息人
世如燃膏願起兩賢從龍作霖雨冀君高舉相追
長令佳氣鬱鬱成蔭覆弗使陰黜幕幕相籠牢聊特
此意躡芳武請削瑕翳直淬兔穎爲鋤刀

方輓

字叔行平江人安貧樂道慕紫陽之學師事李
弦齋謝弃科舉業魏了翁名其室曰學齋徵聘
皆不赴

里中張氏母出與邑宰母宴餞以詩

張氏母袁稱壽星紹興庚申今有百五齡子孫耕稼
食可飽女婦紡織衣稱情白髮旣脫生黑髮耳目聰
明長步行五朝皇帝恩廣大一老平時身太平鄉里
皆慶喜縣官問姓名闔門漏屋下上諸縣官廳太夫
人之座可識太夫人之堂可升

自注時邑宰母在官卽前再拜

問起居謝官下念田里氓尊高年以長其長凡爲人
子涕懽聲

道巖

太極巖圖出道州茲巖名道實相猶元公圖說茲巖
具好向巖中仔細求

沅湘耆
舊集

宋詩紀事補遺卷八十三

門下士湖州府學生員李延适校